

Reifun úrskurðar nr. 11/2014.

X kærði tollflokkun á Bifor býflugnafóðri sem flokkað hafði verið í 1702.9009. Kærandi taldi að flokka ætti Bifor í tollskrárnúmer 2309.9011 sem fóður, en ekki sem matvæli undir 1702.9009. Kærandi vísaði jafnframt til álits Matvælastofnunar þar sem Bifor var flokkað í tollskrárnúmer 2309.9011.

Niðurstöður: Tollstjóri féllst ekki á að flokka Bifor býflugnafóður í tollskrárnúmer 2309.9011. Álit Matvælastofnunar um tollflokkun var ekki talið hafa þýðingu fyrir niðurstöðu málsins. Tollstjóri taldi að flokka bæri vöruna í 17. kafla sem síróp þar sem varan samanstæði af 75% sykri og 25% vatni. Vísað var til athugasemda við kafla 23 í tollskrá þar sem kemur fram að í vöruliðinn flokkist einungis afurðir úr jurta- eða dýraríkinu ef þær hafa glatað megineinkennum hins upprunalega efnis. Í þessu máli hafði varan ekki glatað einkennum sínum sem sykursíróp enda ekkert í vörunni annað en sykur og vatn. Einnig var vísað til bindandi álits Evrópusambandsins þar sem sykursíróp, úr 64% sykri og 35% vatni, var flokkað í 17. kafla. Var ákvörðun Tollstjóra því staðfest.